

हुई सफल कमाई महाराज,
भरतरी थारी भरतरी थारी,
ईश्वर रे कारण जोग फकीरी धारी,
ए हुई सफल कमाई महाराज,
भरतरी थारी भरतरी थारी,
ईश्वर रे कारण जोग फकीरी धारी,
ए मालिक रे कारण जोग फकीरी धारी ॥

हे राजा सुतो महल रे माय,
तृष्णा जागी ए तृष्णा जागी,
जाने मिलिया गोरखनाथ भरमना भागी,
ए राजा सुतो महल रे माय,
तृष्णा जागी के तृष्णा जागी,
जाने मिलिया गोरखनाथ भरमना भागी,
जाने मिलिया गोरखनाथ भरमना भागी ॥

हे राजा जावो शहर के माय,
दे आवो फेरी दे आवो फेरी,
पिंगला ने कहिजो मात मत करो देरी,
ए राजा जावो शहर के माय,
दे आवो फेरी दे आवो फेरी,
पिंगला ने कहिजो मात मत करो देरी,
पिंगला ने कहिजो मात मत करो देरी ॥

हे राजा गयो शहर के माय,
दे रयो फेरी ओ दे रयो फेरी,
भिक्षा घालो पिंगला मात मत करो देरी,
ए राजा गयो महल रे माय,
दे रयो फेरी ओ दे रयो फेरी,
भिक्षा घालो पिंगला मात मत करो देरी,
भिक्षा घालो पिंगला मात मत करो देरी ॥

हे रानी ऊबी महल रे माय,
लटीया तोडे ए लटीया तोडे,
ए राजा एक दिन पकडयो हाथ,
प्रीत कई तोडे,
ए रानी ऊबी महल रे माय,
लटीया तोडे ए लटीया तोडे,
ए राजा एक दिन पकडयो हाथ,
प्रीत कई तोडे,
ए राजा एक दिन पकडयो,
हाथ प्रीत कई तोडे ॥

हे रानी ऊबी डोड्या रे बीच,
कलप रही काया कलप रही काया,
थारा मरजो गोरखनाथ राज छुडवाया,
ए रानी ऊबी डोड्या रे बीच,
कलप रही काया कलप रही काया,
थारा मरजो गोरखनाथ राज छुडवाया,
ओ थारा मरजो गोरखनाथ राज छुडवाया ॥

हे रानी मत दे गुरुजी ने घाल,

कर्म रेखा न्यारी कर्म रेखा न्यारी,
मारा लिखिया विधाता लेख टले नही टाली,
ए रानी मत दे गुरुजी ने घाल,
कर्म रेखा न्यारी कर्म रेखा न्यारी,
मारा लिखिया विधाता लेख टले नही टाली,
ओ मारा लिखिया विधाता लेख टले नही टाली ॥

हे एक सोहन शिखर रे माय,
साकडी सेरी साकडी सेरी,
ओतो गावे झरना नाथ भजन रो लहरी,
ए एक सोहन शिखर रे माय,
साकडी सेरी साकडी सेरी,
ओतो गावे झरना नाथ भजन रो लहरी,
ओतो झरना नाथ भजन रो लहरी ॥

हुई सफल कमाई महाराज,
भरतरी थारी भरतरी थारी,
ईश्वर रे कारण जोग फकीरी धारी,
ए हुई सफल कमाई महाराज,
भरतरी थारी भरतरी थारी,
ईश्वर रे कारण जोग फकीरी धारी,
ए मालिक रे कारण जोग फकीरी धारी ॥

गायक प्रकाश माली जी ।
प्रेषक मनीष सीरवी
9640557818

Source: <https://www.bharattemples.com/hui-safal-kamai-maharaj-bharatri-thari/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>